

*PAGBASA AT  
PAGSUSURI NG  
IBA'T IBANG  
TEKSTO TUNGO  
SA  
PANANALIKSIK  
(4<sup>TH</sup> QUARTER)*

*IPINASA NI:  
DAVE, KYLA MIGUELLE S.  
11 HUMSS-1*

*IPINASA KAY:  
GNG. PRINCESS JHOANA  
GONZAGA*

- Sa paanong paraan niyo/mo maitataguyod ang inyong pananaliksik?

Sa pamamagitan ng pagtutulungan naming magkakagrupo ay maisasagawa namin ng maayos at matiwasay ang pananaliksik na nasabi. Hinati-hati namin ang mga gawain at inihayag ito sa bawat miyembro ng aming grupo. Ipinaliwanag ng aming lider ang panuto at kung paano gagawin ang nasabing gawain. Ito ay para mabigyang linaw ang bawat isa at hindi maguluhan sa gagawin. Nagbigay ng petsa ng pag-submit ang aming butihing lider para may oras kami sa paggawa. Ipinaalala niya rin na magtanong sa aming group chat kung mayroong katanungan tungkol sa gawaing pananaliksik.

Ang aming pananaliksik ay patungkol sa epekto ng panghuhusga o stereotyping sa pagkatao ng mga kabataang babae at lalaki. Isinama na rin namin ang mga miyembro ng LGBTQ+ community dahil bahagi rin sila ng ating komunidad. Napili namin itong paksa sapagkat ito ay laganap at kasalukuyang nangyayari sa ating sosyalidad. Marami pa rin sa atin ang walang malawak na pang-unawa ukol sa usaping ito. Kaya ang aming nais makamit ay maipaliwanag at bigyang linaw sa karamihan ang tungkol sa stereotyping.

Ang kooperasyon at oras na igugugol ng bawat isa sa amin ay makakatulong upang magkaroon ng matagumpay na pananaliksik. Tamang datos at impormasyon ang aming kukuhanin sa mga kalahok o mga estudyante na kabilang sa pananaliksik na ito. Babase kami sa kanilang mga karanasan at pananaw ukol sa aming paksa. Magtatalakay kami ng walang bahid ng kasinungalingan at puno lamang ng katotohanan. Ito ay upang magkaroon ng tama at sapat na detalye at katotohanan ang mga kalahok patungkol sa aming paksa.

Bukod dito, kami ay magsasagawa ng interbiyu at talakayan sa Unibersidad ng Perpetual Help System DALTA sa lugar ng Las Pinas. Upang malaman ang solusyon sa nasabing problema, kami ay magkakaroon ng panayaman sa mga estudyanteng biktima ng panghuhusga o stereotyping. Nais namin malaman ang kanilang iba't ibang karahasan ng walang halong panghuhusga o pambabatikos sa kanila. Malawak na pang-unawa at pasensya ang kakailanganin ng bawat miyembro sa gawaing ito. Ang kanilang mga sagot sa aming katanungan ay mananatiling konpidensyal.

Ang aming pangkat ay kukuha ng sapat at angkop na literatura sa bawat parte ng aming pananaliksik. Mula sa panimula hanggang sa wakas ng



aming pananaliksik ay pananatilihin naming tama ang mga datos at impormasyon na ilalagay. Muli, ang aming pananaliksik ay magiging matagumpay sa pamamagitan ng tiyaga at determinasyon ng bawat isa. Upang malaman ang solusyon sa nasabing isyu o suliranin, dapat lamang na pakinggan ang mga hinaing ng mga biktima sa isyung ito. Ang kanilang mga ideya at opinyon ukol sa aming paksa ay mananatiling konpidensyal at walang halong pambabatikos o panghuhusga.